



partii naleraq

## Naqqiut

(Siunnersuuteqartup aqqa allanngorpoq)

08. maaji 2019

UPA2019/223

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**UPA2019-imut malittarisassat atuutsinnerini ersarinnerusumik aammalu aalajangersimanagerunissamik Namminersorlutik Oqartussat pigisaanni taamatullu suliffeqarfinni pigisat ilaanniittuni siulersuisunik ilaasortaataitaqartuni akissarsitinneqartarnerat pillugu politikikkut malittarisassanik aqqissuussinermi Naalackersuisut peqquneqarnissaannik Inatsisartut aalajangiiffigisassaattut siunnersuut.**

(Partii Naleqqamit Inatsisartunut ilaasortaataitai)

### **Tunngavilersuut:**

Inatsisartunut qinikkatut issiatilluni isornartorsiutit amerliartortillugit aalajangersakkanik malitassanik atuutsitsineq ersarinnerusumik malinneqanngitsoq tusaanngitsuusaaginnarsinnaanngilarput.

Sulianik taamaattunik taamaallaat Naalackersuisut isigineqarnerat kisimi innarlerneqarneq ajorpoq, taamatulli aamma suliffeqarfinni siulersuisunut ilaasortat suliffeqarfik iluanaartinniarlugu sulisuni siulersuisunut ilaasortat innarlerneqartarput. Soorlu assersuutigalugu taaneqarsinnaapput Sikuki Harbour siulersuisut akissaasersorneqarneranni appasinnerpaatut inissisimasumiikkaluarput, taamaattorli marloriaammik siulersuisui akissaasersorneqarnermikkut qaffassimallutik allaat KNI-mi siulersuisut akissarsiaat inissisimaqatilerlugit.

Tusagassiorfitsigut Kalaallit Airports eqqartorneqarnera annertoqaat, tusagassiorfinniinnaanngitsoq aammali inuiaqatigiit akornanni siulersuisut akissarsiaannik qaffaasimaneq eqqartorneqartaarpoq. Naak ilisimaneqareeraluarpoq suliaq sulii Inatsisartuni suliarineqartoq.

Kalaallit Airports amma Sikuki Harbour siulersuisut akissarsiaannik qaffaanerit kingumoortumik pisut Naalakkersuisut aammalu siulersuisuni ilaasortat issiasut isigineqarnerat innarlerneqarpoq. Naak Naalakkersuisut 2014-imili siulersuisunut ilaasortanut akissaasersuinernut politikkeqaraluarlutik ilaatigut imatut allassimasoqarmat:

*“Iluaqutissiisarnerit kisiat akissaasersuinerminneq ajorput, taamaattorli akissaatip annertussusaa soqutiginnilersitsiniarnermi ataannartitsiniarnermilu pingaaruteqartarluni. Siulersuisunutilaasortat, ingammillu siulittaasup, assigiinngitsutigut iluaquserneqartarput, soorlu attaveqarfigninnaasat misilittakkallu annertunerulertarmata. Tamanna siulersuisussanik pissarsiortarnerni atatitsiniartarnernilu ulloq manna tikillugu ajornartorsiutaasarsimannigilaq, taamaattumillu oqartoqarsinnaanani siulersuisunut ilaasortat akissaataat appasippallaartut”*

Kiisalu

*“Tamatumunngalu pissutaavoq ulloq manna tikillugu siulersuisunut ilaasortassanik ujartuiniartarneq ajornarpallaartarsimannigimmat, aammalu siulersuisuni ilaasortaartoqarnikuunngimmat akissaatip appasippallaarnera patsisigalugu tunuarsimasunik. Tamatuma saniatigut siulersuisut akissaataasa qaffasippallaarsinnaasarnertat inuiaqatigiinnit isiginerlunneqaqqajaasarput, tassami inuinnaat amerlasuut ukiumut isertittagaannut siulersuisut akissaataat annertussuseqarsinnaasarmata”.*

Sikuki Harbour kaaviaartitaqarpoq Visit Greenland assigalugu, taamaattorli KNI-tulli immikkut ittumik akissaasersorneqarlutik1.

Kalaallit Airports naatsorsuutigineqarpoq Royal Greenland-i assigalugu kaaviaartitaqassasoq (mittarfissat piareeripata) taamaattorli immikkut ittumik akissaasersuisoqarpoq. Kingornatigut qaffaqqinneqartumi.

Qulaani selskabet taaneqartut aamma ersarippallaanngitsumik ajornartorsiuteqarput, aktiatigut selskabiunerminni ilaatigut 313 millionit koruunit ataallugit kaaviaartitaqaramik, takuuk *årsregnskabslovens* (ukiumoortumik naatsorsuusiornermut inatsit) § 7, quianaannartumik selskabiupput – *tassaallutik Kalaallit Airports aamma Sikuki* – taakkunani siulersuisut akissaasersorneqarnerat ingasattajaarpallaamik qaffanneqarnikuupput. Kaaviaartitaammi appasinnerpaanut ilaasut pisortatigoortumik nalunaarutiginnissaannut pisussaatinneqannginnamik, taamaalillutik piginnittunut tassaasut inuiaqatigiit kamatsissinnaagamikkit.

Sooq tamanna eqqaassallugu pingaaruteqassusaa selskabit pillugit inatsimmi (selskabsloven) §138 takuneqarsinnaavoq. Tassani ersarissumik siulersuisoqarnermut akissarsiaqartitsiniarneq pillugu 14-02-2019 UPA2019/223 ilaatigut allassimavoq iluarisaannarmik akissaasersuisoqartussaannigitsaq, tassannaanniit issuagaq (dansk-isuinnaq allaqqasoq):

*”§ 138. Medlemmer af et kapitalselskabs ledelse kan lønnes med fast eller variabelt vederlag. Vederlaget må ikke overstige, hvad der anses for sædvanligt efter hvervets art og arbejdet omfang, samt hvad der må anses for forsvarligt i forhold til kapitalselskabets og, i moderselskaber, koncernens økonomiske stilling”*

Naalakkersuisunummi akissarsiaqarnermut politikertik ilisimallugu malissimannigippassuk ajornartorsiutaavoq, taavalu taamatut akissarsiaqartitsinernut qaffaangaatsiarneq patsisaa avammut nalunaarutigiginagu.

Tamanna Naalackersuisut siulittaasuata § 37 malillugu apeqquteqarnermi akissutaani nr. 31, 2019 qulaani ajornartorsiut pillugu, ersarissumik aammalu kinguneqartitsinissamut takunnissinnaanginneq erserpoq, tassanngaanniit issuagaq:

*” Isumaqarpunga Kalaallit Airports A/S-imi siulersuisuni ilaasortat akissarsiassaasa aalajangersameqameranni aalajangiisimanerit akissarsiaqartitsinermut malitassani inassuteqaatinut Naalackersuisut nittartagaanni takuneqarsinnaasunut akerliunngitsut taamaammallu atuuttut.”*

Taamaattumik una aalajangiiffigisassatut siunnersuut nalaatsortumik qaffaanissaagaluanut pinngitsoortitsisussatut inissisimavoq, ilanngullugu nunat tamalaat imatut paasisinnaagamikku kammalaatinut ikiunertut akissaatit qaffanneqartut, tamannalu ulorianaateqarsinnaavoq.

Akissaasersuineramik politikkip 2014-iminngaanneersup qulakkeeqqangaluarpa politikikkut anguniakkat tunngavigalugit sullarissunik, akissarsiutigalugu siulersuisunut ilaasortat. Una aalajangiiffigisassatut siunnersuut politikikkut anguniagaqarpoq isumannaassallugu tatiginartumik akissarsiutigalugu akissaasersuineramik politikkeqarnerup

**Pisortanut aningaasatigut allaffissornikkullu kingunerisassai:**

Naalackersuisut akissarsiaqarnermut politikki 2014 najoqqutaqarput, kisiannili naqissusigaanngitsoq. Siunnersuutip atuutilernejarnerani inatsisit pioreersut, malitassat, periutsillu malillugit akuerineqarsinnaasumik sanasoqarnissaq amigaataassaaq. Tamassumik ukiut affaanik (1/2) suliaqarneq qaangerunngilaa tassa 250.000 kr. nalinga.

Ilimagineqarporlu siulersuisunut akissarsiaqartitsinermut periuseq tamassuma atuutilereernerani takujuminarnerulissasoq kinguneqartitsinnaalerlunilu pissasoq, tamannalu ukiumoortumik nalunaarutini aktieetearluni ingerlatsivinni Ingerlatseqatigiiffinnut Allattoqarfiup suliarereertagaanut ilaareerluni.

**Namminersortunut aningaasatigut allaffissornikkullu kingunerisassai:**

Namminersortunut aningaasatigut kingunerisinnaasanik namminersortutut suliffeqarfiutilinnut soqanngilaq.

**Innuttaasunut aningaasatigut allaffissornikkullu kingunerisassai:**

Allaffissornikkut imaluunniit aningaasatigut kingunerisinnaasanik innuttaasunut soqanngilaq.